

壬戌春日置子長慶堂



尺牘雋言



夫望洋向若湍轉則日月似

驚浪動則星河如覆此滄海

之鉅觀哉要以天一之體何

論委輸何論支流總之含形

內虛居有用玄會心竅不必

遠倚杖聽田間水聲亦足時

剖胸襟一洗荊棘故鴻濛索

籥囊括洪纖洞蓋軫之真元

搜酉陽之秘藏益思屬詞連

篇累章固足以陶鑄二儀暉

麗萬有至於宣懷吐臆傷離

道故清言則爲標玉映莊語
則意氣霜烈夫安見尺一之
牘不足總千古之菁英挾萬
品之情態乎哉景周輯尺牘
雋言率自宋元以上然亦足
以證今曩之變矣夫氣以才

成語緣情異大都默喻於天
真之自注故回嗑應籟肖於
谷響殊世不靳抒衷尚務摹
境夫假象太過則與類相違
點染太工則與情多悖今曩
之不相及蓋有以乎景周意

盖深遠矣

清源古山居士陳玉輝言



尺牘雋言卷之一

閩莆陳臣忠景周甫輯

吳興閔邁德日斯甫校

列國

答趙簡子

程本去趙適齊簡子以書招之

趙程本

主君之亾臣某不能束修越在諸侯以爲主君憂臣聞之物局於所甘士局於所守主君之亾臣不佞而有四方之志其敢以爲執事者之所辱夫丘陵崇而穴成於上狐狸藏矣谿谷深而淵成於下魚鼈安矣松柏茂而陰成於林塗之人則蔭矣主君之亾臣不佞實有隱衷惟執事者昭明其所存如日月之升以光燭於晉國將四海之士重繭狎至以承主君之令聞夫豈惟亾臣亾臣雖復野歿以寘溝壟其敢忘主君之賜惟執事者財幸焉

尺牘雋言

卷一

遺魏公子卬書

衛公孫鞅

秦孝公使鞅將而伐魏魏使公子卬將而擊之鞅遺卬書卬以爲然會盟已飲鞅伏甲襲虜卬破其軍

吾始與公子驩今俱爲兩國將不忍相攻可與公子面相見盟樂飲而罷兵以安社稷

向秀而能



與張儀蘇秦

鬼谷子

二足下功名赫赫但春華至秋不得久茂今二子好朝露之榮忽長久之功輕喬松之永延貴一旦之浮爵夫女愛不極席男懽不畢輪痛哉

答桑轎

涓子

吾子來問云有歿亾而復有神仙者事兩耶子不知乎言故可兩有耳草木皆春生秋落必矣而有松柏之倫芝英萍實黃精白苣竹翼戒火長生不歿者何怪乎仙耶

尺牘雋言

卷一

報鬼谷師

蘇秦

秦學道十年去而擊劍貂衣黧黑此心未灰竊暮古賢周游列國慄慄有負于明時也

與張儀

蘇秦

大丈夫取功名。豈必需人而立。鷹隼舉。翮風雲自生。何至作鷄鶉尾。向人憐也。竊爲足下羞之。

遺楚懷王

秦昭王

始寡人與王約爲兄弟。盟于黃棘。太子爲質。至驪也。太子陵殺寡人之重臣。不謝而亾去。寡人誠不勝怒。

奇壯之語

名言

使兵侵君王之邊。今聞君王乃令太子質于齊以求平。寡人與楚接壤壤界。故爲婚姻。所從相親久矣。而今秦楚不驩。則無以令諸侯。寡人願與君王會武關。面相約。結盟而去。寡人之願也。敢以聞下執事。

遺趙平原君趙勝

秦昭王

魏齊相魏時以須賈言范雎使齊受牛酒持魏國陰事告齊使舍人笞擊雎雎佯死因王稽入秦昭王以爲相封侯魏齊恐亡走趙匿平原君所昭王欲爲雎報讐乃詳爲好書遺君平原

寡人聞君之高義。願與君爲布衣之友。君幸過寡人

寡人願與君爲十日之飲。

謝孟嘗君

齊閔王

閔王使孟嘗君就國於薛馮驩說梁王遣使往聘孟嘗君齊王聞之恐懼遺書謝之

寡人不祥。被於宗廟之崇。沈於諂諛之臣。開暈於君。寡人不足爲也。願君顧先王之宗廟。姑反國統萬人乎。

與樂毅

燕惠王

先王舉國而委將軍。將軍爲燕破齊。報先王之讐。天下莫不震動。寡人豈敢一日而忘將軍之功哉。會先

回護得好

王棄羣臣寡人新即位左右誤寡人寡人之使騎劫代將軍為將軍久暴露于外故召將軍且休計事將軍過聽以與寡人有郟遂捐燕而歸趙將軍自為計則可矣而亦何以報先王之所以遇將軍之意乎

獻魏安釐王

魏范痤

臣聞趙王以百里之地請殺痤之身夫殺無罪范痤薄故也而得百里之地大利也臣竊為大王美之雖然而有一焉百里之地不可得而死者不可復生也則王必為天下笑矣臣竊以為與其以死入市不若以生入市便也

尺牘雋言 卷一

四

遺信陵君無忌

范痤

夫趙魏敵戰之國也趙王以咫尺之書來而魏王輕為之殺無罪之痤。痤雖不肖故魏之免相也嘗以魏之故得罪于趙。然今能守魏者莫如君矣。王聽趙殺痤之後強秦襲趙之欲倍趙之割則君將何以止之。此君之累也。

與蔡澤

唐舉

四時之序成功者退君幸以秦國之重建高世之烈

深中所忌

醒警

游客布衣莫不聞焉。有如膽筮而至。秦王一旦而改慮。改聽焉。足下之事去矣。天道惡盈而好謙。可不信然。

與麴武

燕太子丹

秦王反戾天常。虎狼其行。遇丹無禮。諸侯最甚。每念之痛入骨髓。計燕國之衆不能敵之。欲收天下勇士。重幣甘辭。以市於秦。秦貪我賂而信我辭。則一劍之任。當千萬之師。須臾之間。可解丹萬世之恥。若其不然。今丹生無日於天地。死懷恨於九泉。必令諸侯無尺牘雋言。卷一

秦

與燕太子丹

始皇帝

子欲歸。使日再中。天雨粟。令烏頭白馬生角。屬門木象生肉足。

遺章邯

陳餘

邯爲秦將。秦軍數却二世。使人讓邯。邯恐使司馬欣請事咸陽。留司馬門三日。趙高不見。欣至軍報餘遺邯書。邯遂與楚約降。

白起爲秦將。南征鄢郢。北阬馬服。攻城略地。不可勝

計而竟賜死。蒙恬爲秦將，北伐戎人，開榆中地數千里，竟斬陽周。何者？功多秦不能盡封，因以法誅之。今將軍爲秦將二歲矣，所亡以十萬數，而諸侯並起，滋益多。彼趙高素諛日久，念事急亦恐二世誅之，故欲以法誅將軍，以塞質，使人更代將軍以脫其禍。夫將軍居外久，多內却，有功亦誅，無功亦誅，將軍何不還兵與諸侯爲從，南面稱孤，孰與身伏鈇質，妻子爲僇乎。

尺牘雋言卷之二

閩莆陳臣忠景周甫輯 吳興閔邁德日斯甫校

漢

手勅太子

高帝

帝真善讀書

吾遭亂世當秦禁學自喜謂讀書無益洎踐祚以來時方省書乃使人知作者之意追思昔所行多不是

又

驕惰子弟各書一通

吾生不學書但讀書問字而遂知耳以此故不大工然亦足自辭解今視汝書猶不如我汝可勤學習每

尺牘雋言 卷二

上疏宜自書勿使人也

又

真懇不妨情至
吾得疾遂困以如意母子相累其餘諸兒皆自立哀此兒猶小也

遺單于

文帝

大哉王言

今天下大安萬民熙熙獨朕與單于爲之父母朕追念前事薄物細故謀臣計失皆不足以離昆弟之驩朕與單于俱去前事朕釋逃虜民單于母言章尼等和親之後漢過不先單于其察之

賜黷錯

文帝

皇帝問太子家令上書言兵體三章聞之書言狂夫之言而明主擇焉今則不然言者不狂而擇者不明國之大患故在于此使夫不明擇于不狂是以萬聽而萬不當也

報公孫弘

武帝

君不幸罹霜露之病何恙不已迺上書歸侯乞骸骨是章朕之不德也今事少間君其省思慮一精神輔以醫藥

尺牘雋言

卷二

二

賜丞相劉屈氂

武帝

庚太子為江充所譖將收捕充長安擾亂言太子反上賜丞相璽書與太子戰太子兵敗
捕斬反者自有賞罰以牛車為櫓毋接短兵多殺傷士眾堅閉城門毋令反者得出

勅責楊僕

武帝

將軍之功獨有先破石門尋陘非有斬將搴旗之實也烏足以驕人哉前破番禺捕降者以為虜掘死人以為獲是一過也建德呂嘉逆罪不容于天下將軍擁精兵不窮追超然以東越為援是二過也士卒暴

倒句法

露連歲爲朝會不置酒將軍不念其勤勞而造佞巧請乘傳行塞因用歸家懷銀黃垂三組夸鄉里是三過也失期內顧以道惡爲解失尊尊之序是四過也欲請蜀刀問君賈幾何對曰率數百武庫日出兵而陽不知挾僞于君是五過也受詔不至蘭池宮明日又不對假令將軍之吏問之不對令之不從其罪何如推在心以在外江海之間可以信乎今東越深入將軍能率衆以掩過不

報李廣

武帝

尺牘傳言

卷二

三

大有生色

天子不尚

虛文

結奇

將軍者國之爪牙也司馬法曰登車不式遭喪不服故怒形則千里誅威振則萬物伏夫報忿除害捐殘去殺朕之所圖於將軍也若乃免冠徒跣稽顙請罪豈朕之指哉將軍其率師東轅彌節白檀以臨右北平盛秋

賜嚴助

武帝

制詔會稽太守君厭承明之廬勞侍從之事懷故土出爲郡吏會稽東接于海南近諸越北枕大江間者闊焉久不聞問具以春秋對母以蘇秦從橫

大關係語

賜吾丘壽王

字子贛

武帝

子在朕前之時。知略輻輳。以爲天下少雙。海內寡二。及至連十餘城之守。任四千石之重。職事並廢。盜賊從橫。甚不稱在前時何也。

賜燕王

昭帝

王骨肉至親。敵吾一體。迺與他姓異族。謀害社稷。親其所疎。疎其所親。如使古人有知。當何面目。復奉齋。耐見高祖之廟乎。

報張安世

宣帝

尺牘萬言 卷二

四

將軍年老被病。朕甚閔之。雖不能視事。折衝萬里。君先帝大臣。明於治亂。朕所不及。得數問焉。何感而上書。歸衛將軍富平侯印。薄朕忘故。非所望也。願將軍彊飲食。近醫藥。專精神。以輔天年。

賜趙飛燕

成帝

自以親婕妤。異于他人。故不能無言。亦不以深相過望。前數以言色不平。應對舒遲。爲譴。卒不能自改。婕妤好方見親幸之時。老母在堂。兩弟皆簪金貂。並侍於側。同列比舍。豈不謂婕妤弟尊幸哉。今過蒙譴。獨

切責

帝族霍氏

誅趙蓋韓

楊及待安

世又如此

謂老親兩弟何。

報匡衡

字稚圭

成帝

君以道德修明。位在三公。先帝委政。遂及朕躬。君遵
修法度。勤勞公家。朕嘉與君同心。合意。庶幾有成。今
司隸校尉尊安。詆欺。加非於君。朕甚閔焉。方下有司。
問狀。君何疑。而上書歸侯。乞骸骨。是彰朕之未燭也。
傳不云乎。禮義不愆。何恤人之言。君其察焉。專精神。
近醫藥。彊食自愛。

報張禹

字子文

成帝

尺牘雋言

卷二

五

朕以幼年執政。萬機懼失其中。君以道德為師。故委
國政。君何疑而數乞骸骨。忽忌雅素。欲避流言。朕無
聞焉。君其固心致思。總秉諸事。惟以孳孳。無違朕意。

報元帝

王昭君

臣妾幸得備員。禁變。謂身依日月。死有餘芳。而失意。
丹青。遠竄異域。誠得捐軀報主。何敢自憐。獨惜國家。
黜陟。移于賤工。南望漢關。徒增愴結耳。有父有弟。唯
陛下幸少憐之。

可感可慨

報諸侄

班婕妤

記言屬見所賜趙婕妤好書以相比先帝被病無怵但
鍛鍊後宮貴人書也類多華辭至如成帝則推誠寫
實若家人夫婦相與書矣何可比也故略陳其長短
令汝曹自評之

奏牋成帝

后無子多引少年與通
后因帝幸詐言有孕

趙皇后

臣妾久備掖庭先承幸御遣肆大號積有歲時近因
始生之日復加善視之私特屈乘輿俯臨東掖久侍
宴私再承幸御臣妾數月來內宮盈實月脉不流飲
食美甘不異常日知聖躬之在體辨天日之入懷虹
尺牘雋言 卷二 六
初貫日聽是珍符龍據妾胸茲為佳瑞更期蕃育神
嗣抱日趨庭瞻望聖明踊躍臨賀

答趙皇后

成帝

因閱來奏喜慶交集妊體方初保綏宜厚藥有性者
勿舉食無毒者可親有懇求上無煩牋奏口授宮使
可矣

與徵臣

魯太后

江都王建與女弟徵臣姦徵臣為蓋
侯于婦建數使使至長安迎徵臣
國中口語籍籍慎無復至江都

謝江充

戾太子

充嘗從上甘泉逢太子家使乘車馬
行馳道中充以屬吏太子使人謝之
 非愛車馬誠不欲令上聞之以教勅素者幸江君
 寬之

索友人詩編

鼉錯

日外入芳圃知騎氣南游抱恨而還所謂南山千萬
 峯盡是相思情也吟編久客左右偶欲檢點敢請頒
 下霜月更白尚容凌寒往見話前人工拙

與友人

賈誼

尺牘雋言 卷二

七

大丈夫以凌雲之氣而俯首于書案之間午夜一燈
 晨窓千字蓋將學爲有用之文以歌太平頌中興否
 亦策治安演絲綸耳豈肯爲此徒作酸文耶虛辱君
 命戲筆橫斜

與武帝

西王母

向離蓬萊過弱水南望扶桑五色意者中國有聖人
 生子翩翩好脩得無是乎但太上好生而欲殺好儉
 而欲奢種種幻魔遲爾遐昇予將乘彼白雲以歸三
 千年後期爾于少室之陰

與卜式

西王母

東方生言雖駭俗顧翩翩爽令人欲仙九垓八埏之外疑真有羽人也。

從公孫弘借車馬

東方朔字曼倩

朔當從甘泉願借外廐之後乘木槿夕妃而朝榮者士亦不必長貧也。

與友人

東方朔

超然物外

不可使塵網名韁拘鎖怡然長笑脫去十洲三島相期拾瑤草吞日月之光華共輕舉耳。

尺牘雋言 卷一

勉友人

東方朔

師逃儒入釋意謂已得個中滋味今乃溺於教乘何邪。是拋却五車書。又入幾擔經抄裏坐也。苦海無邊回頭是旻。便請參取祖師來意。

報蜀守臣

司馬相如

皇帝方嚮外治。而某以儒術建師。西遊故鄉。遠近之士。無求多焉。其令守吏以下。負弩前導。旌旄所指。俾山靈增色。母為題橋。生索笑於關吏也。

與楊王孫

祁侯

王孫苦疾。僕迫從上祠雍。未得請所願。存精神。省思慮。進醫藥。厚自持。竊聞王孫先令。羸葬。令歿者無知。則已。若其有知。是戮尸地下。將羸見先人。竊爲王孫不取也。

與魏相 字弱翁

丙吉 字少卿

朝廷已深知弱翁治行。方且大用矣。願少慎事。自重藏器於身。

與韋玄成 字少翁

丞相史

玄成兄弘爲太常丞。父賢爲扶陽侯。以弘當爲嗣。後坐宗廟事繁。獄賢將薨。門下生博士

尺牘雋言 卷二

九

與宗家議矯賢令以玄成爲後。玄成卽陽狂以避。

古之辭讓必有文義可觀。故能垂榮於後。今子獨壞容貌蒙恥辱。爲狂癡。光曜掩而不宣。微哉子之所託名也。僕素愚陋。過爲宰相執事。願少聞風聲。不然恐子傷高而僕爲小人也。

報楊會宗

楊惲 字子幼

臣之得罪已三年矣。田家作苦。歲時伏臘。烹羊炮羔。斗酒自勞。家本秦也。能爲秦聲。婦趙女也。雅善鼓瑟。奴婢歌者數人。酒後耳熱。仰天拊缶而呼烏烏。其詩

曰田彼南山。蕪穢不治。種一頃豆。落而爲糞。人生行樂耳。須富貴。何時是日也。拂衣而喜。奮裏低卬。頓足起舞。誠淫荒無度。不知其不可也。

與朱邑

字仲卿

張敞

字子高

明主游心太古。廣延茂士。此誠忠臣竭思之時也。直敞遠守劇郡。馭於繩墨。胸臆約結。固亾竒也。雖有亦安所施。足下以清明之德。掌周稷之官。猶飢者甘糟糠。穰歲餘梁肉。何則。有亾之勢異也。昔陳平雖賢。須魏倩而後進。韓信雖竒。賴蕭公而後信。故士各達其時之英俊。若必伊尹呂望而後薦之。則此人不因足下而進矣。

答朱登遺蟹醬

張敞

蘧伯玉受孔子之賜。必以及其鄉人。敞謹分斯貺于三老。尊者曷敢獨享之。

與某公

張敞

夫蒼龍非不神。不能白日升天。飄風雖疾。不以霖雨不能揚塵。故蒼蠅之飛。不過十步。自托騏驥之旄。乃騰千里之路。然無損於騏驥。得使蒼蠅絕羣也。

聳動

諭嚴延年字次卿

張敞

仁者之言

昔韓盧之取菟也。上觀下獲。不甚多殺。願次卿少緩誅罰。思行此術。

報張敞

嚴延年

凜然

河南天下咽喉。二周餘燹。秀盛苗穡。何可不鉏也。

下安定教

王尊

令長丞尉奉法守城。為民父母。抑強扶弱。宣恩廣澤。甚勞苦矣。太守以今日至府。願諸君卿勉力正身。以率下。故行貪鄙。能變更者。與為治。毋以身試法。

尺牘雋言

卷二

一

與高陵令楊湛

薛宣

字贛君

宣歷臨淮陳留太守。入為左馮翊。高陵令楊湛貪猾不遜。持郡短長。及宣視事。陰求其罪。臧具得。所受察湛有改節敬宣之意。迺手自牒書條其奸。臧封與湛。湛即時解印綬為記。謝宣終無怨言。

親切有情

吏民條言君如牒。或議以為疑於主守盜。馮翊敬重令。又念千金法重。不忍相暴章。故密以手書相曉。欲君自圖進退。可復伸眉於後。即無其事。復封還記。得為君分明之。

下賊曹掾張扶教

薛宣

情景在目

宣為左馮翊及日至休吏
賊曹掾張扶獨不肯休

日至吏以令休所繇來久曹雖有公職事家亦望私
恩○意○掾○宜○從○眾○歸○對○妻○子○設○酒○肴○請○鄉○里○一○笑○相○樂○
斯○亦○可○矣○

與平陽侯王譚

字子元

谷永

字子雲

君侯躬周召之德執管晏之操敬賢下士樂善不倦
宐在上將久矣以大將軍在故抑鬱于家不得舒憤
今大將軍不幸蚤薨繫親疏序才能宐在君侯拜吏
之日京師士大夫悵然失望屬聞以特進領城門兵
尺牘雋言 卷二 十二

愚竊不為君侯喜宐深辭職自陳淺薄不足以固城
門之守收太伯之議保謙謙之路闔門高枕為知者
首願君侯與博覽者參之小子為君侯安此

與段會宗

字子松

谷永

足下以柔遠之令德復典都護之重職甚休甚休若
子之材可優游都城而取卿相何必勒功昆山之仄
願吾子因循舊貫母求奇功終更亟還亦足以復雁
門之跡萬里之外以身為本願詳思愚言

荅桓譚

字子山

楊雄

字子雲

長卿賦不似從人間來其神化所至耶大諦能讀千賦則能爲之諺云伏習衆神巧者不過習者之門

荅劉歆

楊雄

天下上計孝廉及內郡衛率會者雄常把三寸弱翰齋油素四尺以問其異語歸卽以鉛槧次之于藁二十七歲于今矣

奏記王邑

范升字辨

方春歲首而動發遠役藜藿不充田荒不耕穀價騰躍斛至數千吏人陷放湯火之中非國家之人也如

尺牘萬言

卷二

十三

此則胡貊守關青徐之寇在於帷帳矣升有一言可以解天下倒懸免元元之急不可書傳願蒙引見極陳所懷

尺牘雋言卷之三

閩莆陳臣忠景周甫輯 吳興閔邁德日斯甫校

後漢

報隗囂字季孟

光武

慕樂德義思相結納。隔于盜賊。聲問不數。將軍執操。欸欸扶傾。救危南距。公孫之兵。北禦羌胡之亂。是以馮異西征。得以數千百人。躑躅三輔。徵將軍之助。則咸陽已爲它人禽矣。今關東寇賊。往往屯聚。志務廣遠。多所不暇。未能觀兵成都。與子陽角力。如令子陽。尺牘雋言 卷三 一

觀破

披誠語

寬他一著

是擒王手

與公孫述字子陽

光武

君非吾賊。臣亂子倉卒時。人皆欲爲君事耳。何足數也。君日月已逝。妻子弱小。當早爲定計。可以無憂。天下神器。不可力爭。宜留三思。

詔諭公孫述述嘗使刺客殺漢將來歙岑彭

光武

往來詔書比下開示恩信。勿以來歛岑彭受害自疑。今以時自詣。則家族完全。若迷惑不喻。委肉虎口。痛哉柰何。將帥疲倦。吏士思歸。不樂久相屯守。詔書手記。不可數得。朕不食言。

賜竇融璽書

字周公

光武

長史所奉書。獻馬悉至。深知厚意。今益州有公孫子。陽。天水有隗將軍。方蜀漢相攻。權在將軍。舉足左右。便有輕重。以此言之。欲相厚。豈有量哉。王者迭興。千載一會。欲遂立桓文。輔微國。當勉卒功業。欲三分鼎足。連衡合從。亦宜以時定。天下未并。吾與爾絕域。非相吞之國。今之議者。必有任囂。教尉他制七郡之計。王者有分土。無分民。自適已事而已。

報竇融

光武

從天水來者。寫將軍所讓隗囂書。痛入骨髓。畔臣見之。當股慄慚愧。忠臣則酸鼻流涕。義士則曠若發矇。囂自知失河西之助。族禍將及。欲設間離之說。亂惑真心。轉相解構。以成其姦。又京師百寮。不曉國家。及將軍本意。多能採取虛僞。誇誕妄談。令忠孝失望。傳

擣其心腹

尺牘雋言

卷三

一

言乖實毀譽之來皆不徒然不可不思今關中盜賊已定大兵今當悉西將軍其抗厲威武以應期會

又

吾與將軍如左右手耳數執謙退何不曉人意勉循士民無擅離部曲

徵鄧禹還勅字仲華

光武

料敵於見
潤眉

勒兵堅守慎無與窮寇交鋒老賊疲弊必當束手事吾也以飽待饑以逸擊勞拆捶而答之耳

勞馮異璽書字公孫

光武

令人競勸

尺牘舊言 卷三

赤眉破平士吏勞苦始雖垂翅回谿終能奮翼鼃池可謂失之東隅收之桑榆方論功賞以荅大勲

勅岑彭字君然

光武

兩城若下便可將兵南擊蜀虜人苦不知足既平隴復望蜀每一發兵頭鬚為白

讓劉尚

光武

城降三日吏人從服孩兒老母口以數萬一旦放兵縱火聞之可為酸鼻尚宗室子孫嘗更吏職何忍行此仰視天俯視地觀放麈斃羹二者孰仁良失斬將

具言諷然

弔人之義也

賜賈復

光武

滹沱之役。到今猶有戒心。千鈞之弩。機不輕發。將軍可無快乎一擊。

勞蓋延

字巨卿

光武

龐萌一夜反畔。相去不遠。營壁不堅。殆令人齒。欲相擊。而將軍有不可動之節。吾甚美之。

詔諸將

光武

吾嘗於衆人中言。萌可爲社稷臣。將軍等得無笑吾

尺牘雋言

卷三

四

言。老賊當族。其勵兵馬會睢陽。

報朱浮

字元叔

光武

時彭寵攻浮。浮上疏詔報之。寵果爲蒼頭子密等所殺。

往年赤眉跋扈。長安吾策其無穀必東。果來歸降。今度此反虜。勢無久全。其中必有內相斬者。今軍資未充。故須候麥耳。

報耿純

字伯山

純封高陽侯。上書自陳前在東郡。案誅琢郡太守朱英親屬。今國屬琢誠不自安。制書報之。乃更討。

爲東光侯。

疾前奉公行法。朱英久吏。曉知義理。何時當以公事相是非。然受堯舜之罰者。不能愛已也。已更擇國土。令侯無介然之憂。

賜侯將軍

光武

卿歸田里。曷不令妻子從。將軍老矣。夜卧誰為搔背痒也。

賜王常

光武

王廷尉良苦。每念往時共更艱厄。何日忘之。莫往莫來。豈違平生之言乎。

尺牘書言

卷三

五

與嚴子陵

光武

古大有為之君。必有不名之臣。朕何敢臣子陵哉。惟此鴻業。若涉春水。辟之瘡痛。須杖而行。若騎里不少。高皇柰何。子陵少朕也。箕山潁水之風。非朕之所敢望。

與江南守臣

光武

昔許由高箕潁之節。惟彼陶唐。無相知之素耳。子陵朕故人也。宜不恡一見。其令所在官司物色之。以悉朕意。

報鍾離意

字子阿時夏旱帝起北宮意詣闕免冠上疏

明帝

比上天降旱密雲數會。朕戚然慚懼。思獲嘉應。故分
布禱請。闕候風雲。北祈明堂。南設雩壇。今又勅大匠
止作諸宮。減省不急。庶消災譴。

手詔東平憲王蒼

光武子

明帝

辭別之後。獨坐不樂。因就車歸。伏軾而吟。瞻望永懷。
實勞我心。誦及采菽。以增歎息。

賜東平王蒼

章帝

諸王來朝大鴻臚奏遣歸國帝特留蒼後復奏遣帝許之

尺牘雋言

卷三

六

骨肉天性。誠不以遠近為親疎。然數見顏色。情重。昔
時念王久勞。思得還休。欲署大鴻臚。奏不忍下筆。顧
授小黃門。中心戀戀。惻然不能言。

勅侍御史司空

方春所過。無得有所伐殺。車可以引避。引避之。駢馬
可輟解。輟解之。

報請封外戚詔

明德馬皇后

章帝欲封爵諸舅太后不聽明年夏旱言事者以為為不封外戚之故有司因此上奏宜依舊典太后詔報

真切

得體

吾前過濯龍門見外家問起居車如流水馬如游龍亦不譴怒但絕其歲用冀以默止謹耳

又報章帝

馬皇后

夫至孝之行安親為上今數遭變異穀價數倍憂惶晝夜不安坐卧而欲先營外封違慈母之拳拳乎吾素剛急有匈中氣不可不順也若陰陽調和邊境清靜然後行子之志吾但當含飴弄孫不能復關政矣
賜周馥貴人策
和熹鄧后

朕與貴人託配後庭共歡等列十有餘年不獲福佑

尺牘書言 卷三

先帝蚤棄天下孤心筑乳靡所瞻仰夙夜永懷感愴發中今當以舊典分歸後園慘結增歎燕燕之詩曷能喻焉

與咎上人

楚太子倬

聞聖僧真諦翻意浮提真苦海耳便須裹足作佛家奴一證慈航登彼岸安能俛頰作地獄種子也

辭謝隗囂

方望

范蠡收績於姑蘇狐犯謝罪於始入夫以二子之勤從君二十餘年蠡苞七術之機犯為嬴氏之親然至

際會猶釋罪削跡請命乞身蓋亦宜也望聞烏氏有龍池之山微徑南通與漢相連其旁有奇人聊及閒暇廣求其真願將軍勉之

與隗囂將牛邯

字孺卿

王遵

字子春

遵初從囂舉兵既而歸漢拜大中大夫封向義侯光武率諸將西征遵知囂必敗滅而與其將牛邯有舊以書喻之邯得書乃謝士眾歸命雒陽

遵與隗王歆血為漢經歷虎口踐履死地已十數年矣王之將吏羣居穴處之徒人人抵掌欲為不善之計遵與孺卿日夜所爭害幾及身所以吟嘯捩腕垂尺牘萬言

卷三

上隗囂

申屠剛

字巨卿

可愧

言。靈書數到欲與將軍共同吉凶布衣相與尚有沒身不負然諾之信况萬乘哉今何畏何利久疑如是卒有非常之變上滅忠孝下愧當世誠願反覆愚老之言

與官屬

馬援字文淵

吾從弟少游常哀吾慷慨多大志曰士生一世但取衣食裁足乘下澤車御款段馬為羣椽吏守墓墳鄉里稱善人斯可矣致求贏餘但自苦耳當吾在浪泊西里間虜未滅之時下潦上霧毒氣薰蒸仰觀飛鳥跼跼墜水中卧念少游平生時語何可得也

謝光武

嚴子陵

游魚思淵麋鹿走壙被文繡而中犧牲之用生而曳尾塗中使陵得歸於富春足矣熙載之烈非所敢望也

尺牘雋言 卷三

九

與兄耿弇

字伯昭

耿舒

前到臨鄉賊無故自致若夜擊之可殄伏波類西域賈胡到一處輒止以是失利

與陰就

馮衍字敬通

伏見君侯忠孝之性慈仁殷勤論議周密思慮深遠顧以微賤數蒙聖恩被侯大惠行年老被病恐一旦無祿命先犬馬懷抱不報齎恨入冥思剖肝膽有以塞責側聞東平山陽王壯當之國擇除官屬衍不自

卓見

量願侯白以衍備門衛鄙語曰水不激不能破舟矢不激不能飲羽不念舊惡名賢所高負責之臣欲言不敢惟侯哀憐深留聖心則闔棺之日魂復何恨

與婦弟任武達

馮衍

衍娶北地女任氏悍忌不得畜媵妾兒女常自操井曰衍與婦弟武達書後竟逐之

年衰歲暮恨入黃泉遭遇嫉妬家道崩壞亂匪降天生自婦人青蠅之心不重破國嫉妬之情不憚喪身牝雞之晨維家之索古之太患今始於行數奇命薄端相逢遭自恨以華盛時不蚤自定至於垂白家貧尺牘傳言 卷三身賤之日養癰長疽自生禍殃

十

與戊己校尉

竇憲 字伯度

匈奴沐漢高威德久矣間者復不靖闕焉問討則當事者之過也幸以椒房親視事以來夙夜戒備得專征伐諸所賞否有明天子三尺法在終不敢干以私二三大夫其尚明伍仗以俟

與竇憲牋

班固 字孟堅

將軍哀憐賜以玉躬所喜駭犀玳瑁簪絳單衣以魯縞之質被服鸞鳳之彩飾

可憐

蒼任尚

班超

字仲升

超為西域都護徵還以戊巳校尉任尚代尚與超書求誨超答之

塞外吏士本非孝子順孫皆以過補屯部蠻夷獸心難養易動今君性嚴急水清無大魚將軍宜寬小過總大綱而已

移記屬縣

宋均

字叔庠

識治體

夫虎豹在山。龜鼉在水。各有所託。且江淮之有猛獸。猶北土之有雞豚也。今為民害。咎在殘吏。而勞勤張捕。非憂恤之本也。其務退姦會。思進忠善。可一去檻

尺牘萬言

卷三

十一

窳除削課制

移屬縣

法雄

字文疆

虎狼之在山林。猶人之居城市。古者至化之世。猛獸不擾。皆由恩信寬澤。仁及飛走。太守雖不德。敢忘斯言。記到其毀壞檻窳。不得妄捕山林。

奏記梁商

李固

王龔為太尉深疾宦官專權乃上書極言其狀請加放斥諸黃門各使賓客誣奏龔罪固奏記商言之於帝事乃得釋

探本之論

王公束修厲節敦樂執文不求苟得不為苟行但以

堅貞之操。違俗失眾。橫為讒佞所構。毀眾人間。知莫不歎慄。夫三公尊重。承天象極。未有詣理訴寃之義。纖微感槩。輒引分決。是以舊典。不有大罪。不至重問。王公沈靜內明。不可加以非理。卒有它變。則朝廷獲害賢之名。羣臣無救護之節矣。今將軍內倚至尊。外典國柄。言重信著。指撝無違。宜加表救。濟王公之艱難。語曰。善人在患。飢不及食。斯其時也。

與黃瓊

時公卿薦瓊詔下縣以禮慰遣

李固

語曰。嶢嶢者易缺。皦皦者易汙。陽春之曲。和者必寡。盛名之下。其實難副。頃徵聘之士。胡元安。薛孟嘗。朱仲昭。顧季鴻等。其功業皆無所採。是故俗論皆言處士純盜虛聲。願先王弘此遠謨。令眾人嘆服。一雪此言耳。

與楊太僕

梁冀

間者得請列侯。以暨卿士。校尉俱不受門徑。蕭然幅巾私第。會當挈携妻子。種果芋山中。歲賦秫米二三。百釜落而為漿。陶陶沈飲。此外不議人間事矣。

勸葛龔

字元甫

竇章

字伯向

過矯仲彥論昇仙之道。從蘇博文談。超世之高。遼馬季常講墳典之妙。所謂喬松可與馳騫。何細疾之足患耶。龔荅云。見斯眾賢。足以忘疾釋愁。

遺矯慎字仲彥

吳蒼

仲彥足下。勤處隱約。雖乘雲行泥。棲宿不同。每有西風。何嘗不嘆。蓋聞黃老之言。乘虛入冥。藏身遠遯。亦有理國養人。施於為政。至如登山絕跡。神不著其證。人不覩其驗。吾欲先生從其可者。於意何如。昔伊尹不懷道以待堯舜之君。方今明明四海開闢。巢許無尺牘雋言。卷三十三。為箕山夷齊。悔入首陽。足下審能騎龍弄鳳。翔嬉雲間者。亦非狐兔燕雀所敢謀也。

與謝伯世

馬融字季長

頃憤憤愁思。猶不解懷。思在竹間。放狗逐麋。晚秋涉冬。大蒼出籠。黃棘下菟。芼以乾葵。以送餘日。茲樂而已。

遺馬融

高彪字義方

承服風問。從來有年。故不待介者而謁。大君子之門。冀一見龍光。以敘腹心之願。不圖遭疾幽閉。莫啓。昔

周公曰父文兄武。九命作伯以尹華夏。猶揮沐吐餐。垂接白屋。故周道以隆。天下歸德。公今養痾傲士。故其宜也。

謝趙壹

字元叔

皇甫規

字威明

蹉跌不面。企德懷風。虚心委質。爲日久矣。側聞仁者。愍其區區。冀承清誨。以釋遙悚。今旦外白。有一尉兩計吏。不道屈尊門下。更啓乃知已去。如印綬可投。夜豈待旦。惟君明叡。平其夙心。寧當慢傲。加於所天。事在悖惑。不足具責。倘可原察。追修前好。則何福如之。

尺牘雋言

卷三

十四

謹遣主簿奉書。下筆氣結。汗流竟趾。

報皇甫規

趙壹

仰高希驥。歷年滋多。旒轅兼道。渴於言侍。沐浴晨興。昧旦守門。實望仁兄。昭其懸遲。握髮垂接。豈悟君子。自生怠倦。是以夙退。自引畏使。君勞昔人。或歷說而不遇。或思仕而無從。皆歸之於天。不尤於物。今壹自譴而已。豈敢有猜。遠辱手筆。追路相尋。壹之區區。曷云量已。但關節疲動。膝灸壞潰。請俟他日。乃奉其情。輒誦來貺。永以自慰。

與友

趙岐字邠

馬季長雖有名當世而不持士節三輔高士未曾以衣裾撒其門也。

奏記司隸校尉段熲

張奐字然

奐前為度遼將軍與熲爭擊羌不一及熲為司隸欲逐奐將害之奐懼奏記謝熲

小人不明得過州將千里委命以情相歸足下仁篤

照其辛苦使人未反復獲郵書恩照分明前以寫白

而州期切促郡縣惶懼屏營延企側待歸命父母朽

骨孤魂相託若蒙矜憐壹思咳唾則澤流黃泉施及

尺牘萬言

卷三

十五

冥冥非負生死所能報塞夫無毫髮之勞而欲求上人丘山之用此淳于髡所以拍髀仰天而笑者也誠知言必見譏然猶未能無望何者朽骨無益於人而文王葬之死馬無所復用而燕昭寶之儻同文昭之德豈不大哉凡人之情冤則呼天窮則叩心今呼天不聞叩心無益誠自傷痛俱生聖世獨為匪人孤微之人無所告訴如不哀憐便為魚肉企心東望無所復言。

悲切

與陰氏

張奐

篤念既密。文章燦爛。名實相副。奉讀周旋。紙弊墨渝。不離于手。

與崔子真

名實

張奐

僕到任有見兵二百馬如羗羊。矛如鐵錐。楯如榆葉。

與黃叔度

楊震

字伯起

某與兄蟄處甕牖久矣。一聲霹靂。春夜發祥。而棕履適至。其與我共驚人之鳴乎。

與黃瓊

郭泰

字林宗

某以貧故食無魚。以旱故羹無蔬。日煮澗泉。飲脫粟。

尺牘雋言

卷三

十六

耳。海物惟錯。半含蒼潮。所謂眼中頓有兩主人也。

回杜喬

郭泰

雲霞交下。淒風冰人。詩肩如山。毛髮為裂。無能應知。已之招也。亮之。

與陳蕃

字仲舉

徐穉

某與執事為同登。而生又同甲。簷花細雨。豈不願承。一夕教淒。其旅思孤帆。欲遂東矣。意氣相與。母枉再。

情致委婉

三

與尹上人

李膺

字元禮

解脫

塵中多事。竟不能抽身到書邊上。方鎖白雲。妄意暫假。為觀書地。儻蒙慨許。參考之次。或掩卷行吟。亦可共話孔墨。相為用處。

臨沒遺令

鄧炎

炎荷天之罪。以致於歿。名沒身弊。神而有知。炎之歸。觀在旦夕之間耳。若其無知。將何面目。少見靈魂哉。其即自安。其自愛。臣去矣。

與劉寵

陳蕃

日外郊行。見有盤踞草中。疑為怪物。徐而視之。則暗

尺牘馬言 卷三

十七

香一根。移植檻間。奇心可狀。柰無園可栽。敢持為齋。閣獻。君雖榮貴。必不賤我枯朽也。

貽李膺

荀爽

字慈收

膺遭黨事下獄。赦歸田里。天下士大夫皆高尚其道。恐其各高致禍。為書以貽之。

久廢過庭。不聞善誘。陟岵瞻望。惟日為歲。知以直道。

不容於時。悅山樂水。家於陽城。道近路夷。當即聘問。

無狀嬰疾。闕於所仰。方今天地氣閉。大人休否。智者

見險。投以遠害。雖置人望。內合私願。想甚欣然。不為

恨也。願怡神無事。偃息衡門。任其飛沈。與時抑揚。

生意

與申屠蟠字子龍

黃忠

大將軍幕府初開。徵辟海內。並延英俊。雖有高名盛德。不獲異遇。至如先生。特加殊禮。引領東望。日夜以冀。彌秋歷冬。經邁二載。深拒以疾。無惠然之顧。重令爰中。郎昭暢殷勤。至於再三。而先生抗志彌高。所執益固。將軍於是憮然失望。而有愧色。自以德薄。深用咎悔。竊論昔人之隱。雖遭其時。猶放聲絕跡。巢栖茹薇。其不遇也。則裸身大咲。被髮狂歌。今先生處平壤。游人間。吟典籍。襲衣裳。行與昔人謬。而欲蹈其跡。擬其事。不亦難乎。僕願先生優游俯仰。貴處可否之間。孔氏可師。何必首陽。備托臭味。庶同休戚。是假飛書以喻左右。

尺牘雋言 卷三

十八

徙朔方上書

蔡邕字伯喈

既到徙所。乘塞守烽。職在望候。憂怖焦灼。無心復能操筆成草。致章闕庭。

辭郡辟

蔡邕

申屠蟠稟氣玄妙。性敏心通。喪親盡禮。幾于毀滅。至行美誼。人所鮮能。安貧樂潛。味道守真。不為燥濕輕。

見理之言

重方之于邕。以齒則長。以德則賢。

誠子

鄭玄 字康成

入此歲來已七十矣。宿業衰落。仍有失候。案之禮典。便合傳家。今我告爾以老。將閑居以安性。覃思以終業。非拜國君之命。問族親之憂。展敬墳墓。觀省野物。胡常扶杖出門乎。家事大小。汝一承之。順威儀以近有德。顯譽成於寮友。德行立於已志。若致聲稱。有榮於所生耳。

與韋甫休 名端

孔融 字文舉

尺牘雋言 卷三

一九

前別意恨甚多不悉。辛從事至。承獲所訊。喜而起。居不恙。而到也。間僻疾動。不得復與。足下哢憤。廣坐舉杯。相乾以爲邑邑。

又

孔融

前日元將 名康 來亮茂弘毅。偉世之器也。昨日仲將 名誕 又來。貞實文敏。保家之主也。不意雙珠近出。老蚌甚珍貴之。

與張紘

孔融

前勞手筆。多篆書。每舉篇見字。欣然獨笑。如復覩其

人也。

喻邴原

字根

孔融

王室多難。西遷鎬京。聖朝勞謙。疇咨雋乂。我徂求定。策命懇惻。國之將隕。嫠不恤緯。家之將亾。緹縈跋涉。彼匹婦也。猶執此義。實望根矩仁爲己任。授手援溺。振民於難。乃或晏晏居息。莫我肯顧。謂之君子。固如此乎。根矩根矩。可以來矣。

與王朗

字景興

孔融

前見章表。知尋湯武罪己之跡。自投東裔。同鯀之罰。

尺牘雋言

卷三

二十

覽省未周。涕隕潸然。主上寬仁。貴德宥過。曹公輔政。思賢並立。策書屢下。殷勤款至。知棹舟浮海。息駕廣陵。不意黃熊。突出羽淵也。談笑有期。勉行自愛。

與諸卿

孔融

鄭康成多臆說。人見其名。學謂有所出也。證案大較。要在五經四部書。如非此文。近爲佞矣。若子所執。以爲郊天鼓。必當麒麟之皮也。寫孝經本。當曾子家策乎。

自是名言

下高密令

孔融

昔東海于公僅一節猶戒鄉人侈其門閭矧乃鄭公之德而無駟馬之路乎可廣開門衢令容高車

與高密令

孔融

志士鄧子然告困焉得愛金庾之間以傷烈士之心與豆三斛後乏復言

與董卓

蓋勳

字元固

昔伊尹霍光權以立功猶可寒心足下小醜何以終此終此漢紀作堪之賀者在門弔者在廬可不慎哉

與孔北海

袁紹

字本初

尺牘雋言 卷三

二二一

漢家無甚失道徒以太阿倒握政付刑餘黨錮諸賢毒流海內識者爲之寒心某世登元宰得專征柄日愴神京髮豎皆裂不自度德量力欲提孤旅之師掃清宮轡比死者一灑之凡我同盟幸戒期毋自失

與公孫瓚

袁紹

比得足下書辭義婉約有改往修來之言僕既欣於舊好克復且愍兆民之不寧每輒引師南駕以順簡書弗盈一時而北邊羽檄之文未嘗不至孤自用痛心疾首靡所錯情夫處三軍之師當列將之任安令

怒如嚴霜喜如時雨。減否好惡坦然可觀。而足下二三其德。疆場異謀。急則曲躬。緩則放逸。行無定端。言無質要。爲壯士者。固若此乎。

荅曹操

呂布

字奉先

布獲罪之人。分爲誅首。手命慰勞。厚見褒獎。重見購捕。袁術等詔書。布當以命爲効。

報陳琳

字孔璋

臧洪

字子源

隔闊相思。發于寤寐。幸相去步武之間耳。而以趣舍異規。不得相見。其爲愴恨。可爲心哉。

又贖馬言

宋三

二二

與弟圖書

李固

固今年五十有七。鬢髮已白。所謂容身而游。滿腹而去。周觀天下。獨未見益州耳。昔嚴夫子嘗言。經有五涉其四。州有九遊其八。欲類此子乎。此非李太尉也。太尉益州人。

荅秦嘉

字士會

徐淑

想嚴裝已辦。發邁在近。誰謂宋遠。企予望之。室邇人遐。我勞如何。深谷逶迤。而君是涉。高山巉巖。而君是越。斯亦難矣。長路悠悠。而君是踐。冰霜慘冽。而君是履。身非形影。何得動而輒俱。體非比目。何得同而不

雋逸有風
人之致

悽惋
名言

離。于是詠萱草之喻。以消兩家之思。割今者之恨。以
待將來之歡。今適樂土。優游京邑。觀王都之壯麗。察
天下之珍妙。得無目玩意移。往而不能出耶。

別夫

玄妻公主妻
悲怨寄書

竇玄妻

玄字
叔高

棄妾斥女。敬白竇生。卑賤鄙陋。不如貴人。妾日以遠。
彼日以親。何所控訴。仰呼蒼旻。悲哉竇生。衣不胝新。
人不胝故。悲不可忍。怨不可去。彼獨何人。而居斯處。

尺牘雋言

卷三

二三



